

四庫全書

集部

欽定四庫全書

集部

十五家詞卷十三

詳校官閣學士臣尹壯圖

侍讀臣孫球覆勘

總校官降調編修臣倉聖脉

校對官員外臣張慎和

謄錄監生臣鄧金文

欽定四庫全書

十五家詞卷十三

休寧孫默編

尤侗百末詞下

中調

臨江仙

午日

庭砌香蒲一翦綠  
紗窓梅雨蕭蕭鬧  
妝兒女彩絲飄珠  
簾桃葉渡畫鼓木蘭橈  
喚起湘纍休競渡  
雲旗游戲

波濤江潭獨醒轉無聊古人應讓我飲酒讀離騷

擬辛稼軒

搔首問天天不語光陰無計消磨挑燈看劍自摩挲  
胸冷熱酒拍手短長歌 遮莫英雄老去也山林經濟

如何平章重事到烟波  
鏡吹傳玉鴨水戰教金鵝

玉鴨  
蛙名

又

少日揮戈兼躍馬錦裘風雪行邊十年回首鬢蕭然  
騷  
驢花下路短笠渡頭船 憑寄壯心歌舞地綠樽翠袖

紅絃不然散髮事金仙蒲團香影裏橫槩自叅禪

蝶戀花

弔返生香

彤管不隨春夢度留與人間啼哭相思句一本青編紅  
淚註離魂縮入香奩住 髣髴真真紙上語為雨為雲  
飄渺無憑據行到吳江楓落處自攜一葉歸家去

一翦梅

夜落金錢花

曉風殘月過三生風裏呈身月下歸魂自憐薄命六銖  
輕憔悴黃裙冷落紅塵一家姊妹兩般分夜合隨君  
夜落隨君春光真不值半分文雖有錢神難買花神

和李易安韻

織錦機邊蟋蟀秋萬里江風吹送郎舟空閨無處說相  
思獨夜鳴琴西北高樓彈罷清商兩淚流妾自傷心  
君亦多愁雁魚消息幾時來纔望雲頭又候潮頭

好女兒

佳人

一捻脂紅百和香  
濃半醉嬌聲半醒態  
在坐鞦韆雲步  
搖佩玉卧曲鞦韆弓  
斜睨檀郎不語誰慣  
汝漫留儂問  
此處不留何處去  
道朝上秦樓晚游洛浦  
夜宿巫峰

泥美人

彼美人兮半面風姿  
誰向妝臺描五色  
有顧愴傳神何  
郎傳粉張敞脩眉  
可惜紅顏黃土立而望  
是耶非問  
若個小名君識否  
是罷舞西施停歌子夜  
不笑褒姒

漁家傲

漁父

天下滔滔皆是也風流滿地江河假鼓枻行歌君莫訝  
誰知者離騷莊子吾其亞一尺蓬舟雙槳打綠簑青  
笠人如畫潑刺黃魚穿柳挂收綸罷提壺閒共樵夫話

春閨

夢鎖重樓春信杳彩絲偷把花魂釣籠內鸚哥沒緊要  
頻厮叫牆角海棠誰折了左右懶妝和悶倒上裙蟠



子驚人跳作怪鴉頭扯謊報才郎到愁眉錯對菱花笑

定風波

納涼

不著衣衫不掃妝天邊趙盾逼人忙安得芳姿乞作婢  
喚至手將團扇扇王郎却羨摩訶池上路行去花梢  
口吸露珠涼攜手歸來竹簟睡枕臂玉魚吐出口脂香

蘇幕遮

塞上二首

朔雲寒邊月苦感粟西風吹亂黃沙舞夜半雪深三尺  
許氊帳駝峰倒載琵琶女打圍來圈地去銀管炊烟  
茶煮烏羊乳蠻府參軍窮塞主足馬隨他看射南山虎

其二

塞垣長寒信早畫角鳴鳴吹破霜天曉一陣哀鴻殘月  
小夢繞南雲淚濕征衫老拄青山吟白草燕雀排衙  
公事彈琴了又報黃旗前隊到手板匆匆走馬遼西道

風中柳

和孫夫人韻

郎上長安怎好說些煩惱但叮嚀馬蹄芳草自來月下把  
淚痕偷告夢兒中教郎知道一紙家書不覺低鬟微笑報  
平安歸期尚杳金釵翠鳳送香車須早怕春去燕殘鶯老  
行香子

春暮

紫陌金車綠浦蘭槎共追尋大地芳華三分春色分與  
誰家有一分山一分水一分花雨打簷牙月落窻紗

恨韶光轉盼天涯小庭寂寞底事爭譁是一聲鶯一聲  
燕一聲鴉

江城子

春思

花朝去了又春分草如茵柳烟新油壁青驄爭踏武陵

春繡幙羅衣香過處人不見插紅裙

長安士女游春解裙圍繞名為裙幄

紗窗寒雨最難聞冷爐薰淡芳樽閒病閒愁獨對舊東  
君日暮捲簾南北望魂欲化楚山雲

清明旅思

江城佳節也清明喜新晴午風輕寡柳孤桃妝點可憐  
生羅襪繡鞋人不見空孤負滿堤青客游隨分踏莎  
行冷旗亭隔花屏無限家山綠水畫船橫寶馬雲旗香  
過處看玉手撥銀箏

吳門是日虎丘  
看會士女駢集

千秋歲

感舊用秦少游韻

落花簾外點點殘紅退雲穗亂風箏碎愁拈翡翠管恨

折鴛鴦帶薄倖殺燕兒難捉鸚哥對 夢想瑤臺會繡  
被同舟蓋錦字香遺香在星移銀漢斷雨散巫峰改魂  
去也化成精衛填青海

祝英臺近

憶別用稼軒晚春韻

玉爐殘銀燭暗畫檝維前浦黯淡東風早灑淚痕雨惱  
他順水船兒幾株楊柳甚力把征帆拴住 空相覷欲  
將心事叮嚀題多總難數獨夜思量記起枕邊語算來

萬種春愁妾擔不起分一半與郎隨去

一叢花

游朱氏園亭次鄒程邨韻

江村踏踏半平沙木槿縛籬笆誰引劉郎來洞口隔牆

見人面桃花數曲欄杆几條書畫也算小山家

花名人面桃

主人白髮話烟霞虛閣倚風斜池邊指點平安竹穀雨  
近芍藥抽芽新出筍尖舊藏桂子撮合點清茶

金人捧露盤

盧龍懷古

出長安臨絕塞是盧龍想榆關血戰英雄南山射虎將  
軍霹靂吼雕弓大旗落日鳴笳起萬馬秋風問當年  
人安在流水咽古城空看雨拋金鎖苔紅健兒白髮閒  
驅黃雀野田中參軍岸幘戍樓上獨數飛鴻

最高樓

漫興

拋官去乞得小山居偃仰此生餘何用食為十斛麥未之



學也五車書時還讀亦已種則何如 待討个漁童名  
便了再配个樵青名大好賽赤脚勝長鬚奴更養奴千  
樹橘婢還釣婢百頭魚挈山妻同稚子且相於

蔦山溪

夏興

登樓極目又見斜陽下遠近兩三峰一點點翠眉如畫  
鶯簧蟬鼓楊柳舞輕風人閒暇天瀟灑惆悵如何夜  
白衣蒼狗閱盡雲真假今古總悠悠嘆舉世塵埃野馬

青天難問搔首且歸來沈醉也高眠罷月上葡萄架

意難忘

元宵

春色佳哉報吳宮花柳羯鼓方催羽林千騎去華屋萬  
家回羅帳地錦衣街燈火上樓臺看滿城星橋高揭火  
樹叢開月明車馬如雷有舞旋鮑老歌打洪崖香塵  
移畫舫玉燭裊金釵簾幌下影徘徊聽笑語訴諧百忙  
裏闔成燈謎擲與郎猜

蘇城初徵防  
兵張燈甚盛

長調

滿江紅

春閨

玉懶香顏支瘦腕行行立立頓藜枕鷓鴣屏外襯花茵  
席行雨夢飛巫峽上隨風笑踏江南陌恨高樓故故惱  
人眠吹長笛攬衣起斜陽側臨寶鏡修山額沾芙蓉  
粉汗倩郎搵拭羅帶小開錦翡翠雲鬟斜挿金鸂鶒倚  
香奩一晌晚妝成西窓黑

感遇

我醉欲眠且收了眼光青白分付與死便埋我陶家之  
側天下山川吞八九腹中人物容千百任諸君拍手笑  
狂生乾坤窄破面鬼焦頭客福建子山東賊問何人  
請劍何人投筆我夢化為蝴蝶舞醉來敲碎珊瑚缺嘆  
一腔熱血灑何時青衫濕

生日自題小影二首

鑄錯難成空贏得頭顱如許君不見此中有鬼英雄無

主世事夢迴關塞月文章淚盡瀟湘雨歎茫茫宇宙此  
身多無歸處山嶽裏聊容與竹林下方延佇但看他

白眼科頭箕踞背後好遮王導扇手中只少漁陽鼓攜

一杯自祝畫圖前魂相語

小像科頭跣足坐竹林下童子執扇于後

## 其二

甚矣吾衰誰畫出秋風蒲柳須信道相君之面不過村  
叟車蓋鼓吹今夢覺空山晏坐搔童首問何人不著鷓  
鴒冠惟君否且避暑頻揮手謹謝客休開口祇先生

生日歸而謀婦半臂纔更一斗麵百錢恰買三升酒對

此君爛醉仰天眠看蒼狗

王后謂明皇曰不記三郎生日  
令阿忠脫半臂更得一斗麵耶

思隱二首

寄語青山為我築數椽茅舍更計較鑿斯池也衡門之下屋後  
十弓放筍竹牆邊五畝栽桑柘還留些隙地種梅花依臺榭

北海釣南山射東墅奕西園畫有隣翁來往鷄豚春社笑問  
老妻能去否蒿簪藜杖歸休罷但囊中尚乏買山錢從天借

其二

衮衮諸公看朱紫白頭隨駕儘讓與蠅頭蝸角冷杯殘  
矣夫子漫勞冉有僕小人請學樊遲稼向深山好作古  
田家義皇話 松菊徑瓜藤架麋鹿柴魚蝦汙且醉吟  
高卧及時閒暇稚子浪尋青草鬪老夫合受黃鸝罵倘  
城中有客訪吾來關門謝

上巳旅思

天朗氣和是昔日蘭亭春社恨不見一時名士烏衣王  
謝光祿文章曲水讌子山馬稍華林射到吾徒意氣向

誰人都休罷 四海事歸耕稼五嶽志銷婚嫁但短衣  
長鋏棲遲傳舍醉去行歌城闕上醒來坐嘯牆籬下聽  
大江滾滾客心悲流日夜

壽余淡心五十用吳梅村先輩韻

對酒當歌君休說麒麟圖畫行樂耳柳枝竹葉風亭月  
榭滿目山川汾水雁半頭霜雪燕臺馬問如何變姓隱  
吳門吹簫者 蘭亭禊香山社桐江釣華林射更平章  
花案秤量詩價作史漫嗤牛馬走詠懷却喜漁樵話看



孟光把盞與眉齊  
阜橋下

倦遊初歸喜顧菴  
繹堂處實既庭御之枉集草

堂和韻

梅雨廉纖問昨夜  
小池微漲漫一笑  
征衫乍脫故園無  
惹翠籜移來石徑側  
黃鸝啼到桐陰上  
更村村烟火起  
農歌田家餉  
報有客扁舟漾  
看滿座蘭亭唱  
喜酒徒相對欲傾家  
釀却暑但揮蟬雀扇  
登高請進蒲桃杖  
向西山指點夏雲生  
多奇狀

即席贈顧菴學士

二十年來歎世事塵靈波漲喜老友跳歸燕市鬚眉無  
恙皂帽幸辭遼海外青衫還泣潯江上問榜門誰是脫  
驂人千金餉且上下隨流漾予解和公能唱須澆開  
硯壘洞庭春釀屈指明年將半百看雲取次從藜杖又  
何勞呵壁續離騷箋天狀

顧菴長余一歲明年五十  
矣予堂名看雲故用杜句

即席送繹堂憲副北上并寓都中同好

才子仙舟坐春水洧湖新漲從此去黃河千里布帆無

恙玉殿傳臚原日下金門待詔還天上料

至尊早辦大官厨為卿餉斜日下雕旗漾芳草路驪

歌唱送關山牙榮一樽酒釀使客自騎沙苑馬野人獨  
倚柴門杖倘諸公問訊僕何如窮愁狀

飛濤祠部辭疾不至東以訊之

太息丁生出塞去雪堆沙漲謝弋者遼東歸鶴令威無  
恙浪跡偶來臯廡下端憂却據胡牀上正提壺盧橘滿  
林黃堪分餉端午後蒲葵漾麥秋至螻蛄唱君奚為

高卧欲逃村釀遊子渡江不用楫健兒躍馬寧須杖劇  
何堪新婦閉帷中婆娑狀

憶別阮亭儀部兼懷西樵考功湖上

我發蕪城趁競渡一江風漲為寄語池塘春草阿連無  
恙白舫已乘東冶下青驄尚躍西泠上問錢塘可接廣  
陵潮雙魚餉采蓮棹湖心漾折柳曲橋頭唱辦十千  
兌酒餘杭新釀王子正招緱嶺鶴孫登也策蘇門杖待  
歸來贈我兩峰圖空濛狀

時阮亭有秦淮之役  
西樵與孫無言俱

寄呈荔裳觀察

北望盧龍痛精衛魂填溟漲何幸得南樓老子下官無  
恙千里相思風雨夕十年重遇江湖上笑故人祇有一  
杯尊為君餉飛蝶夢游絲漾騎馬地朝雞唱算半生  
白髮星星愁釀笠澤烟波宜載酒泰山日觀聊攜杖再  
休提宋玉賦秋風悲哉狀

苦雨書悶

積雨東籬雷隱隱水雲時漲休夏好繩床藥臼消磨微

恙讀史喜觀秦楚際詠懷高詒羲皇上笑饒來驅我走天涯  
無人餉愁何許懸旌漾悲未已吹簫唱怪衆人皆  
醉覆杯沉釀勘破黃梁道士枕打開白業瞿曇杖咄何  
來修竹彈甘蕉紛投狀

顧菴復和八首見示賦此答之并貽既庭

何物文心筆陣老墨池飛漲賈餘勇吟成八詠撚髭無  
恙公子七哀傳鄴下大夫九辨賡江上驚從而和者曲  
彌高三緜餉倒詞峽真潢漾短歌闕長歌唱只江郎

才盡渴求杯釀我倦欲投斑竹管公豪任奪青藜杖問  
紅箋填得幾多愁難于狀

水調歌頭

贈隱者

左手招明月右手引清流遂棄人間俗事長伴赤松游  
春與猿兮吟嘯秋與鶴兮飛舞八百歲春秋夜授南柯  
守朝拜酒泉侯攜玉杖吹鐵笛酌金甌醉鄉高卧棹  
頭那問帝王州自謂羲皇以上無論晉魏之事涓子不

能傳我亦問津者願泛武陵舟

解嘲

卿自用卿法吾亦愛吾廬一生着幾兩屐安用美哉車  
種得東籬五柳飲得東臯五斗此外又何須已夢我為  
蝶誰識子非魚書咄咄談悶悶解如如不如說鬼妄  
言妄聽莫辭無人貴及時行樂我也逢場作戲軟飽黑  
甜餘勿問九州事且卧一牀書

滿庭芳



風雨夜懷卿謀

折絮天風凍花側雨薄寒新上羅衣可憐人意恰對可  
憐時幾度思量往事回首處風景淒其難生受黃昏院  
落獨自怎支持 想伊人此際籠香弄筆翦燭吟詩待  
扁舟相訪夢到還迷只聽數聲歸雁斷雲裏叫過樓西  
呼來問又推深夜不肯寄書飛

鳳凰臺上憶吹簫

夢亡友湯卿謀

玉樹生埋香鈎殉葬人間無限傷心聽山陽隣笛淚破  
衣襟長憶連牀對酒燈影裏淺笑微吟斯人死坐看卿  
輩誰是知音 追尋天邊去也盼十二樓中雁斷魚沈  
甚風吹環珮夢倚瑤琴依舊壁人一對攜手處翠袖花  
簪應歎我關山搖落鬢髮蕭森

晉人云使卿輩存斯人死

漢宮春

觀演邯鄲夢

咄咄臨川能現夢中身而為說法邯鄲道上一枕悲歡

離合青驢黃犬好妝成紅妻綠妾等閒看鬼門關外何  
殊洛陽宮闕休笑盧生癡絕筭一場春夢大家收殺  
黃梁半甌炊過幾朝年月曲終人醒玳筵前杯酒猶熱  
又歸來獨眠孤館今夜應添白髮

聲聲慢

旅思用易安韻

花開柳閉燕去鶯來東君于甚休戚一樣春風二十四  
番消息朝來又添細雨大江頭落潮偏急春莫去縱他

鄉暫遇故人曾識 休笑春光已老看鏡裏白髮數莖  
堪摘苦把春風留住怎能吹黑空着枕頭一半聽銅壺  
淚點同滴這時節便夢中人到也得

夢揚州

客廣陵用少游韻

晚潮收歎隋宮花月都休寒雨蕪城綠楊三月如秋市  
門十里黃埃滿但往來車馬星稠紅橋畔青樓底誰人  
勾當春愁 追想樊川狎遊報書記平安廿四橋頭笑

我多情鬢絲禪榻空留紗燈萬點歸何處枉斷腸錦瑟  
簾鉤平白地揚州夢醒惱亂蘇州

玉蝴蝶

雪窻憶卿謀

淅淅蕭蕭瑟瑟疎疎密密整整斜斜算有三分牆角數  
點窻紗響茅檐風敲斷竹迷野渡月上平沙浪相誇瑤  
林瓊樹種玉人家嗟嗟閉門高卧羔兒無分且喫團  
茶翹首天涯空吟冰柱憶劉叉盼書郵浮沉征雁尋驛

使冷落梅花問君家剡溪不遠可泛星槎

賀高二亮納姬湖州

應是三生杜牧深紅淺綠再接花枝正好珠璫佩解金  
雀鬟垂定情詩早憐碧玉小名錄恰比紅兒儘綢繆描  
殘翠管寫盡烏絲相宜綠衣方小青衫未老絳纓初  
飛顧曲郎君記歌娘子按新詞學秦箏爭傳妾解偷吳  
語未許歡知畫中人五湖一葉載到西施

念奴嬌

午日旅思

葵花艾葉依然是前度端陽家數  
菰米蘭橈問甚處弔望楚天雲樹  
乳燕初飛流鶯三弄幾陣黃梅雨飄零  
湖海何堪蕭寺孤注遙念寂寞紗窗  
菖蒲翦了黯停杯無語別恨離愁添幾  
許鬼病懨懨情緒整日沈眠夢魂無賴  
不到長洲路除非借取畫船競渡歸去

和彭羨門韻二首

虛生浪死奈頭顱漸禿肝腸如碎飛將  
高皇時不遇却

遇灞陵亭尉感慨何為不如歸去也學糊塗醉文章九  
命此生萬事難遂眼看世態悠悠西江有水不到枯  
魚肆脫了青衫披綠箬且飽銀絲鮮鱸棄蟻亡羊於魚  
得計吾讀徐無鬼人間不樂相忘惟一回睡

其二

先生休矣歎元龍豪氣俯同羣碎借問史公牛馬走豈  
若爛羊都尉滿座貂蟬狗偷鼠竊偶爾乘天醉何如尋  
取當年初服堪遂君見入市者乎朝來駢足日暮成



空肆損益盈虛都似此所以步兵思鱸漏盡鍾鳴夜行  
不止所見無非鬼人生一夢幾時喚醒鼾睡

贈吳梅村先輩用東坡韻

江山如夢歎眼前誰是舊京人物走馬蘭臺行樂處尚  
記紗籠題壁椽燭衣香少年情事頭白今成雪杜陵野  
老風流獨數詩傑更聽法曲淒涼四絃撥斷清淚如  
鉛發莫問開元天寶事一半曉星明滅我亦飄零十年  
湖海看雨絲風髮何時把酒浩歌同送明月

送孫無言歸黃山和顧菴韻

忽聞長嘯是蘇門  
鸞鶴遺音清絕彈  
缺歸來柵具劍更  
鑄山田耕鐵手拍  
浮丘吾廬偕隱漫  
卷君卿舌署門謝  
客白雲無處停轍  
回首花月楊州幾  
年夢醒暫賦蕪城  
別騎鶴吹簫人在  
否笑看迷樓烟熱  
垂老生涯首陽柳  
下計較誰工拙遲  
君贈我三十二峰  
寒雪

桂枝香

月下

晚風搖曳漸吹落殘烏素娥睡起驚看鏡殿堆玉晶宮  
映水井梧颯颯敲窓紙怨鴻啼蘆花岸裏黃昏院落畫  
欄獨倚寸心如死秋色三分將盡矣更寒烟滿目疎  
鐘第幾四壁蟲聲助予歎息而已南飛烏鵲無枝止笑  
歸來昨非今是今夕何夕舉杯邀月陶然醉耳

水龍吟

楊花和東坡韻

美人滿院紅妝綠珠忽向高樓墜非雲非雨非朝非暮

一天春思繡閣嬌慵厭他輕薄重門深閉奈偷從牆角  
窺來窻畔人前故眠羞起 可惜風流掃地賴多情青  
苔牽綴生成薄命飛來又被鸚哥啄碎一縷殘魂浮萍  
再世去隨流水想深宮拾得踏歌連臂有人垂淚

其二

捲簾但見飛花何時開起何時墜玉人如夢隨風遊戲  
幾多愁思為問章臺青青在否宮眉應閉剩蠻腰解舞  
飄飄上下還學三眠三起 分付雕梁燕子好銜將小

巢紫綴謝娘纖手搓來捏去團成復碎忽地傷心人間  
天上落花流水倩軟綿堪拭此中洗面只餘清淚

石州慢

和高李迪韻

花信頻催二十四番風飄雨灑多情最是風流楊柳瘦  
腰一把樹猶如此何況人倚欄杆游絲如夢愁牽惹淚  
斷錦迴文借烏絲重寫姚冶玉人應在燕子樓中湘  
簾垂下記得青鬟微笑紅牙輕打而今寂寞空想院落

鞦韆幾時再駐牆頭馬  
驀聽杜鵑啼道東君歸也

拜星月慢

惜別

香霧雲鬟清輝玉臂雙  
照淚痕猶在忍令分攜怯空房  
難耐無人處生怕落花風起  
輕把檀痕吹壞惜惜情懷  
料身中不快問何曾走馬蘭臺內  
又非因帶甲榆關  
外何苦東去西飛判相思分界看彈琴  
誰寫芙蓉黛  
伴薰香莫綰鴛鴦帶  
只好教籠裏鸚哥兒那人無賴

綺羅香

咏香

髻鬢初梳譚禱乍脫文几鵲爐先置銀葉如錢半晌篆  
烟纔度繞紗幮為雨為雲罩繡閣非花非霧更憐他入  
袖穿裳徐徐引到銷魂處玉人體自生香借三分迷  
迭助成佳處心字裝成還向月中微步識好事喜結雙  
絲訴幽情私添一炷付鈿盒小玉珍藏莫放郎偷去

歸朝歡

澄海樓

家在芙蓉江畔住兩槩沙棠桃葉渡天風吹我北溟來  
芒羊一望無窮處漫將秋水註此時好讀玄虛賦倚危  
樓不聞呼嘯滿耳驚雷雨却怪馮夷緣底怒白馬乘  
潮鳴急鼓鮫人又喜起樓臺璇宮出市珊瑚樹風鬟霧  
髻女戲彈寶瑟來迎汝趁漁舟一聲欸乃送我蓬壺去

望海潮

觀獵



遼西重地東臨碣石朔風塞馬蕭蕭臺上呼鷹磧中走  
狗千人弓箭橫腰牙纛抗招搖看雕翎落處雨血風毛  
日暮山空寒烏饑兔正悲號將軍坐地分曹有健兒行  
炙美女彈槽再打一圍揚鞭歸去戍樓畫角聲高何似霍  
嫖姚笑當年猿臂射石空勞顧語參軍醉中磨盾好揮毫

望湘人

閨信

自君之出矣獨宿空房繡衾慵熱龍腦背着燈兒側身帳

底多半和衣睡倒簾幙花香欄杆燕語月明如曉好良  
宵滿院春風不見斷腸人到乍夢被郎呼去向畫屏深  
處輕憐低笑正勾當相思一晌銷魂未了無端撼起流蘇  
微動驀地把人驚覺閒滋味費盡相思私下報郎知道

風流子

醉中作

吾生祈一夢將進酒結客少年場願貴比五官芙蓉車  
蓋艷齊三婦玳瑁釵梁封侯事建牙刑白馬挽箭射黃

麝鏡吹歸來角巾辭去拍肩泰華濯足滄浪 醒來都  
不是看衣鵲馬狗兩鬢秋霜贏得一官孤竹三徑柴桑  
只宋玉招魂魄逢神女相如草賦曾視君王且向樽前  
醉也長短歌行

沁園春

反止酒 有序

辛稼軒有止酒詞然吾輩酒狂也又當此時此中雅  
宜此君豈恐囚酒星于天獄焚醉月于秦坑哉

陸酺前來枚卜功臣衆口交推彼從事齊州清為聖德  
督郵鬲縣濁亦賢才堯舜千鍾仲尼百斛子路寧辭十  
榼陪髡一石更先生五斗學士三杯 嘗聞上頓長齋  
即乘馬騎驢事盡佳况卓家少婦為君滌器楊家妃子  
為我持壘山帶蘭陵水連桑落麴部分茅議允諧咨汝  
酺俾侯醴泉郡曰往欽哉

夢卿謀

有序

小春月夜夢與卿謀作一夕話有客二人有酒一壺

酒後耳熱卿謀賦如夢令二闕示予予讀竟欣然和之相視一笑二客方苦吟予已瞿然覺矣初醒盡能記憶及東方既白遂成恍惚惜哉數日後念此反為傷神因紀此相寄嗟乎豈非所云如夢者耶

有美人兮攜手同行其樂只且喜化為蝴蝶中宵起舞喚他啼鳥野店提壺一曲高山再歌流水聽者鍾期鼓者俞長太息曲高而和寡其信然歟 顧君與我何如彼天下紛紛安足拘嘆故人千里遠遺端綺主人倉卒

遽贈文無蕙帶荷衣條來忽逝烏有先生對子虛開戶  
視不見其處矣搔首踟躕

罪酒

有序

余既反止酒數與醕往來稱肝膈友已而病僊嘔出  
心血醫者曰是酒之罪也天有酒星故傾於西北地  
有酒泉故缺於東南人有酒腸故傷於中心若婉彼  
狂藥亦如劉將軍負鍾從之耳予惕然吾待醕不薄  
奈何負我請絕交于是復召陸生而告之

醕若母聲以酒為名乃罪之魁筭持蟹螯者甕中就縛  
吹龍笛者水底長埋金盞纔擊玉山便倒玩我真如兒  
戲哉腐腸藥甚良醪可戀心腹當災 今朝焚了糟臺  
又何問蓮花白玉杯倘君將伐狄臣當執御人能擊杜  
吾願持鎚革奪黃封驅除綠蟻主爵壺商賜自裁醕不  
道削汝懿侯職以警將來

摸魚兒

春怨

問東君賺春何意春來還見春去滿園花事剛三五都  
付斷腸風雨花尚爾又況是紅顏薄命愁眉嫵美人日  
暮便紅豆歌成翠盤舞罷難買君王顧看千古總是  
是風流易誤姊歸空築青墓梅妃休怨樓東賦弔取馬  
嵬黃土君莫訴君不見英雄失路還悲苦楚歌楚舞試  
去聽琵琶青衫翠袖雙淚幾行數

賀新郎

塞上



天末盧龍道看數分山崖聳峙河流低遶極望長城烟  
一抹但見黃榆白草又添得孤鴻縹緲寒月如霜沙似  
雪想當年有客傷心早重畫出邊愁稿短衣自倚高  
樓嘯弔西風一杯殘酒淚痕多少漫說明妃出塞苦不  
見玉關人老更減盡英雄懷抱剩有琵琶渾不似倩廬  
兒彈出涼州調公莫舞烏啼了

昭君令工造琵琶笑曰  
渾不似今訛為胡撥四

### 蘭陵王

### 傷春

江南陌裊裊東風弄色垂楊畔寶馬香車芳草王孫自  
相索美人雲鬢側夢破殘紅半碧尋春去鶯送燕迎十  
二欄杆夜猶立繁華等陳迹但雨滋莓苔風動葵麥  
游絲漠漠和愁織試目極千里斷烟寒食隣鷄野哭如  
昨日落花淚盈尺追憶恨何及問老去東君爭似書  
客天荒地遠無人識算往事祇付數聲漁笛今宵沉醉  
舞短劍歌昔昔

多麗

夏景

畫梁間日長午夢初殘倚薰風暈紅如醉無言情思闌  
珊捲桃笙自尋墜珥掩金訶斜撲輕紈茉莉茶甘鷓鴣  
香細儘堪消暑小屏山無心理鈿箏瑤管棋局也慵彈  
閒排遣白敲冰脆紅點梅酸 侍兒報花梢月上清光  
怯射越羅單浴蘭湯微揩粉汗揷犀梳亂挽雲鬟院落  
沈沈夜涼如水蕭郎頻喚展琅玕還一笑背人行去等  
待向更闌却尋到薔薇架下獨凭欄杆

六州歌頭

有客勸予出山者書此答之效稼軒體

客何為者勸我曳長裾人所愛熱官耳顧愁予不相如  
君見居官者苦思慮勞筋骨工笑語勤奔走乃多譽

我則異于是矣體多病藥物長須慣科頭晏起懶向府  
中趨禮法全疎古之愚兼嘗捫蝨喜曝背時強項或撚  
鬚諸若此皆不可一朝居愛吾廬種豆南山下幾個竹  
映芙蕖驅山犢彈野雀鉤江魚況有老妻釀酒任醉

後拊缶歌呼有山公啓事報以絕交書客且歸歟

十五家詞卷十三

欽定四庫全書

十五家詞卷十四

休寧孫默編

陳世祥含影詞上

語言文字之所發恒本乎其人之性情嘗持此以取  
友百不失一今讀吾友陳子散木含影詞而竊有怪  
焉散木素狷介不為苟容落落寡合與同好堅則金  
石意所不屬望望然去之性嗜飲善治觴政生平博  
覽強記每與座客會隸事肆應不竭健辯論遇客或

不合抗首立柱之不少遷隨或憾焉散木聞而曰我之所嫉怒我固然即爾見喜正復何益予嘗述其言其舉於鄉也方弱冠當是時士子以科名為貴競以得失相重輕散木才勇氣銳得此又蚤盛自期待岸然不與庸俗接其慕之而不獲從與游者多怨恨散木絕不為意既屢困公車又顛連大故不得已而筮仕得保定之新安令終以不肯折腰解組歸益獨行其意託興于詩詞雅好游名山水之所在淹留至忘



歲月家人生產不問也夫以孤寡簡傲之性而為填  
詞則妍越斌媚淫放蕩逸如冶容靚粧目遇心搖使  
予初未交其人而遽讀其詞謂出自風流年少無疑  
也皮日休常怪宋廣平之為人謂其鐵心石腸而為  
梅花賦則清便艷發類南朝徐庾體彷彿之而作桃花  
賦穠麗纖巧亦極其致東坡序沈太守牡丹記則云  
公自耆老重德而予又方褊迂濶其于此書無乃皆  
非其人以予觀於散木亦云然哉梓成屬序于予予

曰散木之詞不待予文而傳也然千載而下讀其詞而觀予斯文以想見其為人則其人之性情非予莫之傳也然茲刻也為家桴菴董其役以傳於世則桴菴表彰之功謂又可沒也哉慈湖孫金礪撰

小令

閒中好

還書

書空寄閣著不開封添上儂邊淚還君訝不同

夢江口

即單調  
望江南

春盡

春去罷因甚却闌情最是柳絲長  
不了何來燕子語偏明怕要下堦行

南鄉子

第二體

倦

重門深閉細草如煙煙滿砌日長睡起  
獨凭欄看鴛鴦雙雙飛去又飛還

西溪子

不至

留得暮雲千葉葉  
都成愁結倚高樓  
山凝碧人獨立  
待不思量又憶憶成癡  
月明知

如夢令

暮春

聽說暮春來到不忍見  
花成草  
欹枕問巫山  
又被鶯聲喚  
覺黃鳥黃鳥有箇人兒煩惱

睡醒

誰道客愁蕭屑偏有梅花交接意味恁幽清投向詩魂  
安貼奇絕奇絕又是月光如雪

昨日

花朵朵如人淚一盞酒來竟醉攔醉不教醒看好時光  
都廢無味無味滑是一團疑謎

席上有贈

聽徹玉簫聲裏字字雨雲旖旎醉眼艷層波散作坐間

霞綺倦矣倦矣好向人懷便倚

客中

纔看桂花黃絮待趁晚潮歸去真正沒來繇便把冬春  
發付還住還住又是紫薇一樹

次梅木山夜坐韻

鉤月刺開雲空簾外紫薇影重我也憶當初聽徹紅樓  
啼鳳都夢都夢一樣悄然情動

天仙子

第一體

苦雨

織盡雨絲難作匹  
巡檐一鳥窺人立  
不知天有幾多愁  
風恁劈冷雲積  
應緣誤發殘花檄

定西番

冬日敬亭讌集

鎮日樓頭相對鋪  
月澹著雲輕枕前橫  
踏向稜稜冰壑  
水泉流暗聲  
三尺雛松剪剪似雛僧

長相思

郊行

開花風落花風酒旗安頓小橋東  
教人駐玉驄  
一重溪兩重溪  
弱柳遮藏曲曲籬  
黃鶯獨自啼

相見懽

再晤西若

輕輕颺起嬌紅小  
春風迎到欄杆側  
畔出簾櫳  
斂眉語攜手  
步意無窮那時去也  
魂斷畫堂中

思帝鄉

第三體



雨不止遂阻郊遊之約

都休留春春也羞樹樹好花落盡似清秋怕向樓前望  
見休教上玉鉤又是垂楊影裏叫鳴鳩

歸思

歸休百花香欲流正是淺紅柔白滿汀洲好去周旋芳  
草風光到處收莫待落花庭院惱斑鳩

醉太平

偶見

珊珊玉鈎飄飄翠幃倚欄覩見溫柔是誰家畫樓欲  
窺又羞欲行又留盼人頻轉清眸怎教人不愁

蝴蝶兒

春詞

蝴蝶兒拂花枝紗窻小女學新詩拈來微咏之倦則  
和花睡雙雙似有私相看陡地動人思停毫不語時

昭君怨

春陰久寄姑孰

煙雨蕭蕭寒重待盼青山成夢夢裏是離愁古揚州  
江水巫山雲遠寸寸客懷如剪莫要寫新詩晚來時

女冠子

第一體

春日

相思獨自不及雙雙燕子鎮相憐花影勤催日爐香嬾  
續煙夢中空有淚鏡裏更無言任他飛燕子不開簾

點絳脣

聞鶯

煙靄全收遠空一色青如削笛聲依約向酒腸頻掠

翻下庭花字字相思託牽情著月兒將落人在欄杆角

浣溪紗

午泛歸西園

蝶子尋花逐逐忙一溪春綠膩歸航杏煙深處讀書莊

織柳欲成鶯襯貼壘巢未就燕商量迎人小犬出東

牆

小窗

流水流雲入畫圖畫來端的總模糊小窻筆墨太生疎  
乳燕聽時如可解落花掃去又誰鋪焚香整日破工  
夫

閱世說新語

頭上還餘漉酒巾庭空不曬寶吾禪廬郎此日未知貧  
赤玉胷中無宿物藍田舉體豈常人長卿慢世我思  
存

夢中作

萍子橫鋪絮一池綠牕正擬落花題一春情事鬢先知  
未免多情風力倦可能無恨月容衰扶持好夢與鶯  
兒

贈采文

雛筍初齊萬綠香參紅束素小兒郎生來宜近讀書牕  
沉甲細添簫局火芥尖鮮試越菟湯學書教寫十三  
行

再示采文

香粉揉成玉琢將愁情嗔態總難忘箇儂年紀正思量  
睡裏著驚真覺怯笑中推酒未全莊悄無人處可相

當

初夏

只說春歸不惹愁辭春還與悶相勾草窠遍地碧如油  
鶯舌已無前日滑柳腰可似向來柔斷腸都在最高  
樓

將雨

莽霧凝雲釀宿陰較儂愁緒一般深日長無事費沉吟  
要頭閒情拈蠟葉怕粘冷夢熨香衾小牕今夜雨淋  
侵

贈璫孫

自是緱山品絕倫珠勻玉瑩想風神乳名直得喚珍珍  
摒當筆床都蘊藉捧持酒盞更溫文越歌應不忿莊  
辛

戀情深



贈妓

掩袖留香香未許  
弱煙如緒雙絲花  
罽透雲痕欲銷魂  
低鬟小語不教聞  
鵲腦為郎溫微雨  
淺寒吹戶燭黃昏

歸國遙

樓上

非悞沙觜水痕遊  
子路只為遠山相  
護把行人隔住  
看得暮雲棲樹晚  
風都似絮又是歸  
鴉無數傷心和影

訴

巫山一段雲

四月二十日

是客雲為夢飄零惜去年斷魂曾泥酒尊前衣帶鎮相  
憐舊曲閒翻譜新聲自注箋小窻心性夕陽天幽意  
若為傳

減字木蘭花

晚閨

愁人隻影燕怕淒涼歸不肯却去花間展轉空將翎翅  
翻惱人明月悄地來窺藏不迭待向房中又是清  
冷被籠

獨坐

曲欄新竹一碧碾成千箇玉靜掩籬門野鳥聲聲亂喚  
人綠陰如許小袂輕涼疑墜雨閒譜詩餘遍向芭蕉  
葉上書

自遣

憶春無幾愁到而今今夏矣萬頃寒雲夏已賒秋二十  
分愁懷抖亂晴雨難憑誰可斷雨意如疑點滴都無  
絲又絲

題宗梅岑小香居士像同王西樵作

吟情如許日向人問題好句誰信屯亶老矣吾徒三十  
年重尋舊藁人道君家當日好問取圖中却遜吟情  
老更工

菩薩蠻

閨怨

落花萬片如堪數和烟織就相思縷甚處叫黃鸝黃鸝  
却叫誰遊絲無箇事只管隨花住歸燕闌人愁雙雙  
踏玉鉤

社集看菊

庭無凡卉花壇淨小闌披拂隨花性大醕總深觴花容  
入酒黃翠紅兼艷紫白更佳如此醉倒便花前攜花  
伴月眠

客夜

冷風索索尋牕紙  
那堪更是廉纖雨  
半睡過黃昏  
殘燈偏著人  
閒愁無可破  
夢裏成真箇  
醒睡總來難  
雙眸枕上乾

題閨人繡幅

倪迂戲寫秋山藁  
兩間茅屋霜林曉  
屋後枕高灘  
蕭蕭竹幾竿  
指尖聊染渲  
直作鍼神看  
小置畫圖中  
香閨一夜工

夜飲梅花閣用前韻却贈主人

尋幽每愛郊園淨  
晴郊得盡風雲性  
新釀恰浮觴  
充盤一椀黃  
爛熳楓遍紫  
悔不秋來此一夕  
抵從前更深仍未眠

贈友人

句拈本色求圓淨  
柳周香艷詞天性佳  
句引傳觴秦歐  
自壓黃  
選花黃白紫  
餘色何堪此  
更要索從前  
挑燈共不眠

幽晤

上弦月落黃昏院  
驚人乍似雙飛燕  
已是出來難疎屏  
又夜寒  
拚得相思各莫更  
人前  
謔欲語轉嬌晴  
知卿夢裏曾

閔際行花乳茶

仙人高掌空青雨  
玉蓉幾點花頭乳  
一葉乍沉甌  
春雲自在流  
蘭香誰可贈  
已證松蘿聖  
瑞草陋陽坡  
除非

訪穆陀

俗謂之  
蘭香茶



訴衷情

第四體

本意

癡雲癡雨寵風姨  
庭草盡情肥  
說來一春花事都是惱  
人時  
花裏坐看花飛  
斂雙眉多情燕子  
片片飛花拾  
上香泥

謁金門

晚寒

衣索索早被晚風知  
覺穿過繡簾來  
作惡故欺人軟弱

詞人集卷十四  
寒十四  
燭短香輕衾薄遊子天涯無諾不記新秋珍重約共  
誰人戀著

晚醉

無事好長得一庭芳草放著閒雲閒不掃閉門雲香杳  
興到酒瓢獨昏便向蒼苔醉倒睡起斜陽剛一覺掀  
髯還獨笑

好事近

山寺曉步

細雨潤園蔬  
蔬甲一時如鋏  
插槿籬門還閉  
有高人睡足  
竹溪是處筍成  
林新筍青于玉  
倦向溪邊小坐  
已塵襟都浴

夏閏

曉倦起來遲  
已是蜂衙將散  
燕子一雙私語  
落銜來花辦  
雲頭雨過  
響稜稜打檐花  
冰綻又早半天  
晴碧寫峰巒  
千萬

更漏子

秋雨

漏聲殘燈影碎一箇人兒怎睡閒繡被冷香篝孤幃見  
也羞芭蕉樹芭蕉雨恰似和誰共語雨滴瀝淚欄杆  
相陪消夜寒

憶秦娥

美人足

以下三首  
社集分賦

雙蓮小是伊行處成香草成香草一彎三寸量來還少  
午簾小立苔聲悄綠堦點定相思稿相思稿若教掌

上著人情飽

美人髮

纔出幔玄雲拖縷舒來緩舒來緩手圍墜地八盤加半  
香絲膩玉粧臺畔約鬟未就嗔郎喚嗔郎喚枕函蘭  
澤怎教批判

美人腰

香羅幅柳絲一尺圍紅玉圍紅玉泥人入抱剛剛如束  
欠伸無力牽郎宿欲扶不得嬌難掬嬌難掬迴身笑

睨怕他明燭

東昌道中有懷

天邊月相思準備和他說和他說清光分照料應闕切  
風知簾縫勾香泄西樓月轉鳴蛩咽鳴蛩咽月兒不  
管悶懷空結

次梅木山夜坐韻

和愁織絡絲整夕無休息無休息睡鄉佳境怎生甜黑  
秋情如故人非昔燈光閃閃尖風勒尖風勒照人憔悴

悴這般顏色

清平樂

雪

雲僵風敗雪意粧來大梅影一牕搖淺墨陡地幻成銀  
海 前村樵徑都迷詩人驢背纔歸忙喚童兒買酒板  
橋西畔還西

次尤展成春閨韻

嗔花怨草怎得心情好幾日小姑猜著了故意誦郎詩

稿 愁來壓夢難醒背人偏要潛行却被東風一嚇迴

廊敲動風箏

風箏鐵馬也

新柳

十三嬌女約畧腰如許盡日臨風搖弱縷無力向人前  
舞 小橋正枕橫塘高樓都在斜陽寄語東風且慢莫  
教輕換鵝黃

阮郎歸

踏春



宿花蝴蝶惹花飛  
紗牕聞畫眉  
女兒生小在香閨  
開箱憐舞衣  
添線倦卷簾  
遲欄杆讓柳垂  
鄰家相約踏春堤  
日長緩緩歸

三字令

思遠

衫袖怯晚來風  
到梧桐初月碧  
斷霞紅鴈兒癡排甚字  
礙長空  
千種字一函封在書中  
和鴈說為奴通  
但人歸奴不負謝伊功

眼兒媚

中秋

露洗芙蓉弄晚紅和月到簾櫳去年此夜今年此夜一  
樣秋中 秦淮處處人如玉簫管咽悲風阿誰領畧曲  
闌雙凭小語初濃

柳梢青

小飲遂醉

獨把金卮烟輕露重處處堪詩香正勾情衫纔泥腕是

倚樓時 愁人多少相思酒醒後簾吹月絲鐘語初回  
笛聲又起幽夢難支

荷葉杯

第三  
體

多情

自是多情難得端的解后在燈前一曲相思字字堅昨  
夢是雙鴛 不住將人低誦珍重但願鎮相隨書窻安  
鏡畫修眉從此不孤飛

西江月

醉醒

惆悵夢魂何處心煙一縷孤行伴人幽月到疎櫺照破  
夢魂清冷醉也從教便醉醒來依舊還醒枕邊詩句  
阿誰聽月送海棠花影

閱世說新語

我醉君須且去人愁我欲言愁樂間瞿谷舞無休不許  
公榮二斗北海無尊可滿茅山有淚難收輸他化蝶  
老莊周末醒之時識否

少年遊

第三體

姑溪八月十八日寄懷里中同學諸子

去年此日桂花影裏好句坐秋陰今年此日桂花何在  
歌枕一秋心捲簾還起何來明月窺夢到孤衾半秋  
勻染已深深潮長鎮難禁

河傳

第一體

江望

莽雲莽水一幅橫披何人佳製離奇空幻百千萬里都

來雙目裏 夕陽西下漁歌起煙如穗好向江頭醉顏  
然雲水之內夢魂真足寄

河傳

第二體

贈歌童

聽半箇儂魂斷吐玉揉香都來字字總成雙鴛鴦不求  
凰曲終生遣寒牕暖春恨滿寫恨嫌箋短鑄將金屋  
待卿藏端相溫柔是此鄉

雨中花

第二體

采石磯懷古

千里泠泠冰雪送過幾多英傑送到如今英雄已盡怒  
浪都空設 醉向長江呼短楫恰好當頭明月頻首浪  
排空熱酒澆來滴滴英雄血

探春令

本意

桃花樹上鶯眠日影撩人倦把花枝移上欄杆裏被  
侍婢和簾卷 石泉烹雪雲痕淺看春光成片幾多時

樓角橋頭楊柳樹樹都垂線

木蘭花

村居初夏

喚提壺催布穀新筍初抽香簌簌  
支午倦向迴廊靜裏一聲風啄玉  
戲投竿閒濯足一對鴛鴦無事浴  
斜日莫起漁歌晚雲收盡天如沐

怨王孫

有憶



玉人何處落花殘  
霧水浸平橋  
煙迷遠樹無語獨凭欄  
杆淚斑斑  
枕痕一晌留香軟  
秋夢淺近晚風如剪  
搖影影瑟瑟幽思誰牽一聲蟬

賣花聲

一醉

書室紙為屏  
病嬾常局閒  
人無事學翻經  
折得梅花和雪嗅  
片片泠泠  
鐘語坐來聽  
身世如萍向誰白  
眼向誰青  
自造中山千日酒  
有醉無醒

本意

小鳥鬪啾啾香夢難留畫樓人起正梳頭買得一枝紅  
顫顫曉露微流一擔把春收甕的相勾倚簾不語凝  
雙眸插向鬢邊還又住恰為花愁

臨江仙

第一體

夏日

庭陰日午長無事被郎央及樗蒲枝枝打著教人輸拋  
骰不語扯裙裾郎愁又把央及這回不比當初一

盤羸得便懽娛賭郎新織藕絲襦

河傳第九

體

醉倒

茗芋難醒支離傾仄絕奇之影舉杯問影爾何如樂乎  
酒腸今不枯從來醉境無人說憑千刳真醉不磨滅  
誰吾曹足酒豪明朝和天築酒巢

李雲田為少君寶鐙買婢掃鏡

今日非昔向粧臺畔耐卿小立一雙艷玉總生香問郎

柔情那處長  
郎愁故把人來攪  
和人好不顧人兒惱  
對花枝不語時  
尋思愁深郎不知

河傳

第十  
二體

秋旅

睡睡心碎燈花如夢  
特地驚人梧桐一墜  
可憐近夢無  
靈癡魂徹骨錫  
愁中道路千千疊  
千千結死伴千千  
劫到拚他深夜了  
雨裂風揉盡情愁

鵲橋仙

送別

尊前雲起望中煙合是處離愁如織煙雲明日又相逢  
怎便把人兒分劈 輕簫屢咽好花頻落也為今朝珍  
惜縱然沉醉不知離酒醒後如何過得

虞美人

春晚

晴蜂暖蝶朝相語嘆息春歸去天涯青草鎮茫茫唯有  
行人依舊老他鄉 長江記是來時路却被山遮住殷

勤為謝子規心不如鷓鴣知我却還深

閨怨

搓成梅子圓如豆是處清陰湊一雙蛺蝶過隣家可是  
綠陰深處不留他 看來蜂蝶和花好百遍隨花繞只  
教春去任花飛怎不蜂蜂蝶蝶也同歸

南鄉子

第四  
體

冬夜

雪壓瓦楞寒閣著琵琶不忍彈今夜珮聲偏覺冷珊珊

辜負玲瓏玉一環  
錦被半牀慳幾遍  
添香只是單一  
朶燈花看妾笑  
難難冬夜籌添  
不易闌

夏午覓睡

消暑展桃笙五尺琉璃石上橫  
問到睡鄉纔入境心驚  
度枕松風恰一聲  
倦耳付深局  
莫使松風喚得醒  
分付童兒聞剥啄  
休聽也向槐安國裏行

思歸

何處是天涯  
遊子忘歸認作家  
夢斷五更天欲曉  
烏鴉

多少啼聲起樹了 休說是天涯貧客羞歸且作家行  
李半肩天正晚烏鴉又帶斜陽到樹了

春去也

春怨

怪來春不和人聚知道將歸收拾花同去可憐全學薄  
情郎處處園林留不住 只有蝶兒相顧幾多落花猶  
護也應念著寂寥人時嘗一到簾前路

醉落魄



江上大風

一輪明月正照得雲山如雪千里長江流不竭扣榜而  
歌多少人興滅飄零半世餘長鋏醉來自把新詩說  
狂呼驚起蛟龍蟄掀倒青天誰是英雄者

小重山

宮詞

銅輦音稀夢未真笙歌他院落總君恩金釵畫月過黃  
昏憑誰伴羅袖見秋痕眉淡不堪顰流蘓還自下倚

香茵隔花宮漏悄無聞簫局火香盡也難溫

踏莎行

簡楊赤文兄弟

書簾堆愁酒痕成淚風光只解供憔悴古之貧者是何  
人錦囊佳句來驢背是此生涯儘多况味蝨餘鼠剩  
難教廢今之貧者是何人與君共擬詩瓢醉

秋意

團扇纔輕井梧初舍金風颭踏鴛鴦瓦繡簾未捲隔流

螢來回只在欄杆下  
露蕊柔零月絲滿瀉小鬟多事  
將螢打扇兒悄動似能知飛飛直上牆頭者


竹塘寺寓同夏坦仙夜話

高笛橫空柔絃靜月流螢幾點都清絕坐來新露下梧  
桐小涼時過羅衣摺雲練孤飛河繩低掣百蟲聲裏  
塵情歇十年消受是真閒夢魂較比當時貼

韞林為余書小青詩仍屬余代題

夢影驚潮梨魂碎水傷心盡在新詞裏西湖一碧芙蓉

花杜鵑叫斷孤山尾  
女子如斯才人已矣古今多少  
如卿比莫將薄命為才嗟艷思誰使文成綺



十五家詞卷十四